

Canllawiau a Chymhwysedd

1. Trosolwg

Mae'r Grant Datblygu Busnes yn cael ei ariannu drwy'r Gronfa Twf Lleol a'i weinyddu gan Gyngor Bwrdeistref Sirol Blaenau Gwent fel rhan o gyfres ehangach o gronfeydd ysgogi economaidd. Mae'r cynllun yn darparu buddsoddi cyfalaf wedi'i dargedu i gefnogi busnesau sefydledig i wella cynhyrchiant, cystadleurwydd, arloesedd a thwf. Mae'n rhan o lwybr cymorth busnes strwythuredig a gynlluniwyd i helpu busnesau i sicrhau darbdodion maint, creu cyfleoedd cyflogaeth, a chryfhau'r economi leol.

Mae'r grant yn cefnogi buddsoddi sy'n galluogi busnesau i wneud y canlynol:

- Creu cyfleoedd ar gyfer cyflogaeth gynaliadwy
- Cynyddu cynhyrchiant ac effeithlonrwydd gweithredol
- Ehangu capasiti ac allbwn
- Diogelu swyddi presennol
- Cyflwyno cynhyrchion, gwasanaethau neu brosesau newydd
- Mabwysiadu technolegau a systemau digidol arloesol
- Cynyddu cystadleurwydd a chyrhaeddiad yn y farchnad
- Cryfhau cadwyni cyflenwi lleol a rhanbarthol
- Cefnogi twf gynaliadwy a charbon isel ymhlith busnesau

Mae'r cynllun yn cyfrannu at **Flaenoriaeth 1 y Gronfa Twf Lleol: Busnesau mwy cynhyrchiol a chystadleuol** ac yn cefnogi mwy o fuddsoddi cyfalaf mewn busnesau sydd â'r potensial i dyfu.

Er bod cynhyrchiant, arloesedd a chystadleurwydd yn parhau i fod yn amcanion pwysig, creu swyddi yw'r prif ganlyniad economaidd a geisir drwy'r gronfa hon.

Cyfnod cyflwyno'r rhaglen

Dim ond yn ystod blwyddyn ariannol 2026/27 y mae cyllid ar gael. Rhaid cwblhau pob prosiect cymeradwy yn llawn, mynd i'r holl wariant a thalu amdano, a chyflwyno hawliadau grant erbyn **31 Ionawr 2027** fan bellaf.

Rhaid i geiswyr ddangos yn ystod y cam ymgeisio y gellir cyflawni eu prosiect o fewn yr amserlenni hyn.

2. Amcanion y gronfa

Nod y Grant Datblygu Busnes yw:

- Cefnogi busnesau i dyfu ac ehangu
- Creu cyfleoedd ar gyfer cyflogaeth gynaliadwy
- Diogelu swyddi presennol
- Cynyddu cynhyrchiant a chystadleurwydd busnesau
- Annog arloesedd a mabwysiadu digidol
- Cryfhau gweithgarwch mewn gweithgynhyrchu a chadwyni cyflenwi
- Cynyddu buddsoddi yn y sector preifat
- Annog buddsoddiadau carbon isel ac amgylcheddol gynaliadwy
- Meithrin gwydnwch o fewn economi Blaenau Gwent

3. Blaenoriaethu cyflogaeth

Mae'r Grant Datblygu Busnes yn rhoi pwyslais cryf ar greu swyddi a thwf economaidd.

Disgwylir i geiswyr ddangos sut y bydd y buddsoddiad arfaethedig:

- Yn creu swyddi cyfwerth ag amser llawn newydd; a/neu
- Yn diogelu swyddi presennol; ac
- Yn cefnogi cyflogaeth gynaliadwy dros y tymor hir

Bydd prosiectau sy'n dangos lefelau uwch o effaith ar gyflogaeth o'u cymharu â'r grant y gofynnwyd amdano yn cael blaenoriaeth uwch wrth eu hasesu.

Er na fydd pob prosiect yn creu twf cyflogaeth ar unwaith, rhaid i geiswyr ddangos yn glir sut mae'r buddsoddiad yn cyfrannu at ehangu'r busnes, cynhyrchiant uwch, a chyfleoedd cyflogaeth yn y dyfodol.

4. Pwy all wneud cais

Ceiswyr cymwys

I gael rhagor o wybodaeth am y cynllun,
cysylltwch â Busnes ac Arloesi, CBS Blaenau Gwent
Ffôn: 01495 369496 E-bost: business@blaenau-gwent.gov.uk

For further information on the scheme,
please contact the Business and Innovation Team
Tel: 01495 369496 Email: business@blaenau-gwent.gov.uk

Rhaid i geiswyr fod fel a ganlyn:

- Wedi'u lleoli ym Mlaenau Gwent neu wedi ymrwymo i adleoli i'r fwrdeistref sirol
- Yn masnachu'n weithredol
- Yn gweithredu ar sail fasnachol amser llawn
- Yn gallu dangos hyfywedd ariannol
- Yn gallu dangos eu bod yn gallu cyflawni'r prosiect arfaethedig

Mae sefydliadau cymwys yn cynnwys:

- Unig fasnachwyr
- Partneriaethau
- Cwmnïau cyfyngedig
- Cydweithfeydd
- Cwmnïau buddiant cymunedol
- Mentrau cymdeithasol
- Elusennau sy'n ymgymryd â gweithgarwch masnachu masnachol
- Partneriaethau atebolrwydd cyfyngedig

Sectorau targed

Mae'r cynllun wedi'i dargedu'n bennaf at y canlynol:

- Busnesau gweithgynhyrchu
- Busnesau peirianeg a ffabrigo
- Busnesau sy'n seiliedig ar gynhyrchu
- Cadwyni cyflenwi yn y sectorau adeiladu ac amgylchedd adeiledig
- Busnesau gwasanaeth i weithgynhyrchu
- Busnesau cadwyn cyflenwi ym meysydd diwydiannol a thechnegol

Diffinio busnesau gwasanaeth i weithgynhyrchu

Busnesau gwasanaeth i weithgynhyrchu yw'r rhai sy'n cefnogi gweithrediadau gweithgynhyrchu, prosesau cynhyrchu neu gadwyni cyflenwi diwydiannol yn uniongyrchol.

Mae enghreifftiau'n cynnwys:

- Gwasanaethau peirianeg
- Gwaith cynnal a chadw ac atgyweirio mewn diwydiant
- Gwasanaethau gosod arbenigol
- Cyflenwyr cydrannau

- Gwasanaethau pecynnu a gorffen
- Gwasanaethau sicrhau ansawdd a phrofi
- Logisteg a dosbarthu sy'n gysylltiedig â gweithgynhyrchu
- Darparwyr awtomeiddio a thechnoleg ddiwydiannol
- Darparwyr meddalwedd a systemau cynhyrchu diwydiannol

Rhaid i geiswyr ddangos sut mae cyfran sylweddol o'u gweithgarwch busnes yn cefnogi gweithrediadau gweithgynhyrchu neu gadwyni cyflenwi.

Gellir rhoi blaenoriaeth i'r canlynol:

- Busnesau sy'n creu cyfleoedd cyflogaeth
- Busnesau sy'n diogelu cyflogaeth
- Busnesau sy'n ehangu i farchnadoedd newydd
- Busnesau sy'n mabwysiadu technolegau awtomeiddio a digidol
- Busnesau arloesol
- Prosiectau carbon isel sy'n defnyddio ynni'n effeithlon
- Mentrau cymdeithasol sy'n cyflawni effaith economaidd fesuradwy
- Busnesau sy'n cryfhau cadwyni cyflenwi lleol a rhanbarthol

5. Ceisiadau anghymwys

Fel arfer, ni fydd ceisiadau'n cael eu cefnogi o dan yr amgylchiadau canlynol:

- Mae'r prosiect yn seiliedig ar refeniw yn bennaf.
- Mae'r gwariant arfaethedig at ddibenion amnewid arferol heb unrhyw welliant mesuradwy.
- Nid oes unrhyw fudd amlwg i dwf na chynhyrchiant y busnes nac ar gyfer cyflogaeth.
- Mae'r prosiect yn dyblygu gweithgarwch presennol a ariennir yn gyhoeddus.
- Ni all y prosiect ddangos ychwanegedd.
- Mae'r ceisydd, busnes, perchennog, cyfarwyddwr neu bartner wedi methu â chydymffurfio â thelerau ac amodau grant blaenorol a ddyfarnwyd gan Gyngor Bwrdeistref Sirol Blaenau Gwent. Mae hyn yn cynnwys ond heb fod yn gyfyngedig i'r canlynol:
 - Methu â darparu gwybodaeth fonitro

- Methu â darparu tystiolaeth o allbynnau, canlyniadau neu ymrwymadau cyflogaeth
- Methu ag ymateb i geisiadau monitro
- Methu â chydymffurfio ag amodau grant
- Materion yn ymwneud ag adennill grantiau, adfachu neu gydymffurfio sydd heb eu datrys

Mae Cyngor Bwrdeistref Sirol Blaenau Gwent yn cadw'r hawl i ystyried perfformiad grantiau blaenorol a hanes cydymffurfio wrth benderfynu ar gymhwysra a dyfarnu cyllid.

Mae'r cyngor yn cadw'r hawl i wrthod ceisiadau nad ydynt yn dangos budd economaidd, gwerth am arian neu addasrwydd strategol yn glir.

6. Buddion economaidd disgwyledig

Rhaid i geiswyr ddangos sut y bydd y buddsoddiad arfaethedig yn cyfrannu at un neu fwy o'r canlyniadau canlynol.

Canlyniadau blaenoriaethol

- Creu swyddi newydd
- Mwy o fuddsoddi yn y sector preifat

Canlyniadau ychwanegol

- Diogelu swyddi presennol
- Gwell cynhyrchiant ac effeithlonrwydd
- Allbwn neu gapasiti uwch gan y busnes
- Tyfu ac ehangu'r busnes
- Mabwysiadu technoleg neu offer newydd
- Arloesi a gwella prosesau
- Twf a gwydnwch yn y gadwyn gyflenwi
- Yn fwy cystadleuol a mwy o gyrhaeddiad yn y farchnad
- Twf busnes cynaliadwy a charbon isel

Bydd gofyn i geiswyr ragweld canlyniadau cyflogaeth fel rhan o'r broses ymgeisio ac egluro sut y bydd y buddsoddiad arfaethedig yn cyfrannu at dwf busnes ac effaith economaidd.

7. Gwariant cymwys

I gael rhagor o wybodaeth am y cynllun, cysylltwch â Busnes ac Arloesi, CBS Blaenau Gwent
Ffôn: 01495 369496 E-bost: business@blaenau-gwent.gov.uk

For further information on the scheme, please contact the Business and Innovation Team
Tel: 01495 369496 Email: business@blaenau-gwent.gov.uk

Mae'r cynllun yn canolbwyntio'n bennaf ar fuddsoddi cyfalaf.

Costau cymwys

Mae enghreifftiau o wariant cymwys yn cynnwys:

- Gweithfeydd a pheiriannau gweithgynhyrchu
- Offer cynhyrchu
- Systemau awtomeiddio
- Technolegau roboteg a gwella prosesau
- Offer arbenigol a diwydiannol
- Systemau digidol sy'n cefnogi cynhyrchu neu logisteg
- Meddalwedd cynhyrchu, a chynllunio a gweithgynhyrchu drwy gymorth cyfrifiadur
- Peiriannau ac offer sy'n defnyddio ynni'n effeithlon
- Technolegau carbon isel
- Offer warws a logisteg
- Offer sy'n cefnogi cynhyrchiant a chystadleurwydd uwch
- Systemau e-fasnach sy'n cefnogi twf busnes yn uniongyrchol
- Gosodiadau a ffitiadau mewnol nad ydynt yn adeileddol sy'n gysylltiedig ag ehangu'r busnes

Costau refeniw cyfyngedig

Mewn amgylchiadau eithriadol, gellir cefnogi'r canlynol lle maent yn gysylltiedig yn uniongyrchol â gweithredu offer a ariennir:

- Trwyddedau meddalwedd hanfodol
- Hyfforddiant arbenigol sy'n ofynnol i weithredu offer a ariennir

Bydd cymeradwyaeth yn ôl disgrisiwn y cyngor.

Costau anghymwys

Nid yw'r costau canlynol yn gymwys:

- Cyflogau a thaliadau gweithio
- Marchnata a hysbysebu cyffredinol

- Gwasanaethau ymgynghori cyffredinol
- Rhent a chyfleustodau
- Stoc a nwyddau traul
- Cyfalaf gweithio
- Gwaith adeiladu
- Gwaith cynnal a chadw arferol
- Offer newydd tebyg am debyg heb welliant mesuradwy
- TAW lle gellir ei hadennill
- Costau annisgwyl
- Gwariant ôl-weithredol

8. Lefel y cymorth

Eitem	Swm
Grant lleiaf	£2,500
Grant mwyaf	£100,000
Cyfradd ymyrraeth	Hyd at 50%

Rhaid i geiswyr ddarparu cyfraniad o o leiaf 50% tuag at gostau prosiect cymwys.

Dylai ceisiadau ganolbwyntio ar wariant cyfalaf sy'n cefnogi twf busnes, cynhyrchiant, cystadleurwydd a chreu swyddi.

Fel arfer, dylid cyfyngu ceisiadau i uchafswm o bum eitem gwariant cyfalaf. Lle cynhwysir nifer o eitemau, dylent ffurfio rhan o brosiect wedi'i ddiffinio'n glir sy'n cyfrannu at y canlyniadau busnes a'r manteision economaidd arfaethedig.

Bydd dyfarniadau grant yn gymesur â maint y buddsoddiad, yr effaith ar gyflogaeth, a'r manteision economaidd ehangach a gyflwynir.

Grantiau gwerth uwch

Disgwylir i geisiadau sy'n ceisio dyfarniadau grant mwy ddangos lefelau cyfrannol uwch o effaith economaidd.

Rhoddir ystyriaeth benodol i'r canlynol:

- Nifer y swyddi a grëir

- Nifer y swyddi a ddiogelir
- Cynaliadwyedd y gyflogaeth
- Gwelliannau i gynhyrchiant a gyflawnir
- Y potensial i dyfu'r busnes
- Manteision economaidd ehangach
- Gwerth am arian

Efallai na fydd prosiectau sy'n ceisio lefelau uwch o gyllid grant heb fuddion cyflogaeth ac economaidd cymesur yn cael blaenoriaeth ar gyfer cymorth.

9. Cyfnodau ymgeisio

Bydd y Grant Datblygu Busnes yn gweithredu drwy gylchoedd ariannu cystadleuol cyfnodol, yn amodol ar argaeledd cyllid.

Cyhoeddir manylion cylchoedd ariannu cyfredol, gan gynnwys dyddiadau agor a chau ar gyfer mynegi diddordeb, dyddiadau cau ar gyfer ceisiadau, a'r cyllidebau sydd ar gael, drwy'r sianeli canlynol:

- Gwefan a sianeli cyfryngau cymdeithasol Hwb Busnes Blaenau Gwent
- Sianeli cyfathrebu Cyngor Bwrdeistref Sirol Blaenau Gwent
- Gweithgarwch hyrwyddo a marchnata cysylltiedig

Dylai ceiswyr sicrhau y gellir cwblhau prosiectau arfaethedig yn llawn, talu amdanynt, a hawlio ar eu cyfer erbyn 31 Ionawr 2027. Ni ellir bwrw ymlaen â cheisiadau am brosiectau na allant ddangos yn rhesymol y bydd modd eu cyflawni o fewn yr amserlenni sydd ar gael yn y rhaglen.

Nid yw cyflwyno cais yn gwarantu cyllid grant.

Lle mae'r galw'n fwy na'r cyllid sydd ar gael, bydd ceisiadau'n cael eu hasesu'n gystadleuol a'u rhestru yn ôl y meini prawf asesu cyhoeddedig. Cynigir cyllid i'r ceisiadau cymwys sydd â'r sgôr uchaf nes bod y gyllideb sydd ar gael wedi'i dyrannu'n llawn.

Mae Cyngor Bwrdeistref Sirol Blaenau Gwent yn cadw'r hawl i wneud y canlynol:

- Agor cylchoedd ariannu ychwanegol
- Diwygio dyddiadau cau ar gyfer ceisiadau

- Atal neu gau'r cynllun
- Amrywio dyraniadau cyllid rhwng cylchoedd ariannu
- Diwygio trefniadau'r rhaglen os oes angen

10. Y broses ymgeisio

Cam 1 – Mynegi diddordeb

Bydd gofyn i geiswyr ddarparu'r canlynol:

- Trosolwg o'r busnes
- Crynodeb o'r prosiect
- Yr hyn sydd ei angen ar y busnes neu'r cyfle sydd ar gael iddo
- Costau amcangyfrifedig y prosiect
- Manteision economaidd disgwylidig
- Canlyniadau cyflogaeth arfaethedig
- Amserlen ar gyfer gweithredu'r prosiect yn dangos amser cwblhau a chyflwyno hawliad cyn 31 Ionawr 2027

Cam 2 – Cais llawn

Bydd gofyn i geiswyr gyflwyno:

- Ffurflen gais wedi'i chwblhau
- Tri dyfynbris cymaradwy fesul eitem
- Y cyfrifon ariannol diweddaraf
- Cyfrifon rheoli lle bo'n berthnasol
- Rhagolwg llif arian 12 mis
- Rhagolwg elw a cholled 12 mis
- Tystiolaeth o gyllid cyfatebol
- Cynllun cyflawni prosiect manwl yn cadarnhau y gellir mynd i'r holl wariant, talu amdano a hawlio ar ei gyfer erbyn 31 Ionawr 2027
- Gwybodaeth am gyflogaeth lle bo'n berthnasol
- Unrhyw wybodaeth ychwanegol y mae'r cyngor yn gofyn amdani

11. Y fframwaith asesu

Bydd ceisiadau'n cael eu sgorio yn erbyn y meini prawf canlynol:

Effaith economaidd a chyflogaeth (35%)

- Nifer y swyddi a grëir
- Nifer y swyddi a ddiogelir
- Cynaliadwyedd y gyflogaeth
- Ychwanegedd economaidd
- Y manteision economaidd ehangach i Flaenau Gwent

Addasrwydd strategol (25%)

- Aliniad ag amcanion y Gronfa Twf Lleol
- Cyfraniad at flaenoriaethau economaidd lleol
- Cymorth i sectorau a chadwyni cyflenwi allweddol

Cynhyrchiant, arloesedd a thwf (15%)

- Gwelliannau i gynhyrchiant
- Cystadleurwydd
- Arloesedd a mabwysiadu technoleg
- Ehangu'r busnes a thwf y farchnad

Hyfywedd ariannol a chyflawnadwyedd (10%)

- Cynaliadwyedd y busnes
- Cryfder ariannol
- Gallu i gyflawni'r prosiect
- Gallu i gwblhau'r prosiect a hawlio ar ei gyfer o fewn amserlenni'r rhaglen
- Amserlen gaffael a gweithredu realistig

Gwerth am arian (15%)

- Y canlyniadau o'u cymharu â'r grant y gofynnwyd amdano
- Defnydd priodol o arian cyhoeddus

12. Rheoli cymorthdaliadau

Bydd pob dyfarniad yn cael ei wneud yn unol â Deddf Rheoli Cymorthdaliadau 2022.

Bydd gofyn i geiswyr wneud y canlynol:

- Datgan cyllid cyhoeddus blaenorol a dderbyniwyd
- Cwblhau pob datganiad rheoli cymorthdaliadau y mae'r cyngor yn gofyn amdano

- Darparu manylion am gymorth a dderbyniwyd o dan y ddarpariaethau Cymorth Ariannol Isafswm pan fydd hynny'n berthnasol

Gall methu â darparu gwybodaeth gywir arwain at dynnu cyllid grant yn ôl neu ei adennill.

13. Y broses benderfynu

Bydd ceisiadau'n cael eu hasesu ar ôl i bob cylch ariannu ddod i ben.

Fel arfer, bydd ceiswyr yn cael gwybod am y canlyniad o fewn pedair wythnos i'r dyddiad asesu cyhoeddedig.

Mae cyllid yn ddewisol ac yn amodol ar y gyllideb sydd ar gael, blaenoriaethau'r rhaglen, a gallu'r ceisydd i gwblhau'r prosiect o fewn amserlenni gofynnol y rhaglen.

Nid oes hawl awtomatig i gael cymorth grant ac nid oes hawl statudol i apelio.

14. Talu'r grant

Telir arian grant mewn ôl-daliadau ar ôl cyflwyno'r canlynol:

- Cytundeb grant wedi'i lofnodi
- Datganiad rheoli cymorthdaliadau wedi'i lofnodi
- Anfonebau
- Prawf o daliad
- Tystiolaeth o gwblhau'r prosiect
- Tystiolaeth ffotograffig pan fo'n berthnasol

Rhaid peidio â dechrau prosiectau nes bod cymeradwyaeth ysgrifenedig wedi'i derbyn gan y cyngor.

Rhaid cwblhau prosiectau o fewn yr amserlenni a bennir yn y cytundeb grant.

Waeth beth fo amserlenni prosiectau unigol, rhaid cwblhau pob prosiect yn llawn a chyflwyno hawliadau grant terfynol erbyn **31 Ionawr 2027** fan bellaf.

Mae'r cyngor yn cadw'r hawl i dynnu cynnig grant yn ôl lle nad oes digon o hyder y gellir cwblhau prosiect a hawlio ar ei gyfer o fewn terfynau amser gofynnol y rhaglen.

15. Dyddiadau cau ar gyfer cwblhau prosiectau

Mae cyllid yn amodol ar derfynau amser llym ar gyfer y rhaglen.

Rhaid i geiswyr llwyddiannus wneud y canlynol:

- Cwblhau pob gweithgaredd prosiect cymeradwy erbyn 31 Ionawr 2027
- Mynd i'r holl wariant cymeradwy a thalu amdano erbyn 31 Ionawr 2027
- Cyflwyno pob dogfen hawlio grant erbyn 31 Ionawr 2027

Gall y cyngor dynnu cynnig grant cymeradwy yn ôl o dan yr amgylchiadau canlynol:

- Mae'r prosiect wedi'i ohirio'n sylweddol
- Nid yw'r gwaith caffael wedi'i gwblhau o fewn yr amserlenni y cytunwyd arnynt
- Nid oes digon o dystiolaeth y gellir cwblhau gwariant a hawliadau erbyn dyddiadau cau'r rhaglen

Ni fydd unrhyw gostau yr eir iddynt ar ôl 31 Ionawr 2027 yn gymwys i gael cymorth grant.

16. Monitro ac adrodd

Bydd gofyn i geiswyr llwyddiannus gymryd rhan mewn gweithgareddau monitro a darparu gwybodaeth am hyd at 24 mis ar ôl cwblhau'r prosiect.

Monitro cyflogaeth

Bydd creu a diogelu cyflogaeth yn rhan allweddol o waith monitro ar ôl y prosiect. Gall tysiolaeth gynnwys:

- Contractau cyflogaeth
- Cofnodion cyflogres
- Cofnodion TWE
- Disgrifiadau swydd
- Cofnodion recriwtio

Gwybodaeth fonitro ychwanegol

Gall y cyngor hefyd ofyn am wybodaeth sy'n ymwneud â'r canlynol:

- Twf y busnes
- Cynnydd mewn trosiant
- Gwelliannau i gynhyrchiant
- Buddsoddi ychwanegol sydd wedi'i sicrhau
- Manteision i'r gadwyn gyflenwi
- Gwelliannau cynaliadwyedd
- Perfformiad busnes parhaus

Gellir gofyn am dystiolaeth ategol drwy gydol y cyfnod monitro.

17. Gofynion caffael

Rhaid i geiswyr gael tri dyfynbris cymaradwy lle bynnag y bo modd.

Mae'r cyngor yn cadw'r hawl i fynnu tystiolaeth gaffael ychwanegol i ddangos gwerth am arian.

Ni fydd y dyfynbris isaf yn cael ei dderbyn yn ddiofyn.

18. Twyll a chamliwio

Mae'r cyngor yn cymryd twyll a chamliwio o ddifrif.

Gall unrhyw geisydd y canfyddir ei fod wedi darparu gwybodaeth ffug, gamarweiniol neu anghywir fod yn destun:

- Tynnu'r cynnig grant yn ôl
- Adennill cyllid grant
- Atgyfeirio at yr awdurdodau perthnasol

19. Cadw cofnodion

I gael rhagor o wybodaeth am y cynllun,
cysylltwch â Busnes ac Arloesi, CBS Blaenau Gwent
Ffôn: 01495 369496 E-bost: business@blaenau-gwent.gov.uk

For further information on the scheme,
please contact the Business and Innovation Team
Tel: 01495 369496 Email: business@blaenau-gwent.gov.uk

Rhaid i dderbynwyr grantiau gadw'r holl gofnodion prosiect, cofnodion caffael, dyfynbrisiau, anfonebau a thystiolaeth ariannol am gyfnod o o leiaf saith mlynedd ar ôl y taliad terfynol.

20. Cyhoeddusrwydd a brandio

Efallai y bydd gofyn i geiswyr llwyddiannus gydnabod y cymorth a dderbyniwyd drwy'r Gronfa Twf Lleol a chydymffurfio ag unrhyw ofynion cyhoeddusrwydd a brandio a gyhoeddir gan Gyngor Bwrdeistref Sirol Blaenau Gwent.

21. Cydweddu rhaglenni

Mae'r Grant Datblygu Busnes yn rhan o gronfeydd ysgogi economaidd Blaenau Gwent, sydd hefyd yn cynnwys:

- Y Grant Dechrau Busnes
- Grant Twf Manwerthu, Gwasanaethau, Lletygarwch a Thwristiaeth

Gyda'i gilydd, mae'r rhaglenni hyn yn darparu llwybr strwythuredig sy'n cefnogi creu busnesau, cynhyrchiant, twf, creu swyddi a datblygu economaidd hirdymor.

22. Egwyddorion allweddol

Rhaid i bob prosiect a gefnogir drwy'r cynllun hwn wneud y canlynol:

- Darparu budd economaidd mesuradwy
- Creu a/neu ddiogelu cyflogaeth
- Gwellu cynhyrchiant, cystadleurwydd neu dwf
- Dangos ychwanegedd
- Cefnogi arloesedd a datblygu busnes
- Darparu gwerth am arian
- Cefnogi twf busnes cynaliadwy
- Dangos bod modd ei gwblhau, a bod modd hawlio ar ei gyfer, erbyn 31 Ionawr 2027
- Cyfrannu at economi gryfach a mwy gwydn ym Mlaenau Gwent